

**CRISTINA BAUTISTA:
ESPATLANALISTLI ITECH ININ TLALTIKPAKTLI**

Tlauhkatilistli senyelistli Bautista Taquinás iwan olocholistli Mujer Hilando Pensamiento

Tlahkuilolli: Vilma Rocío Almendra Quiguanás, Pueblos en Camino

Neskayotl iwan kokonetlahkuilolli-powaittalistli: Violeta Kiwe Rozental Almendra

Amoxxayakneskayotl walehtok itech tepanneskayotl chihchitok itech Universidad del Valle, imawisotzin Cristina Bautista.

Neskayokualnextiltih: Vilma Rocío Almendra Quiguanás

Tlachiakualnextilli iwan yektekpanalistli: Derly Constanza Cuetia Dagua, Pueblos en Camino.

Tlahkuilolkuaptli: Francisco Marcelino Santiago



Tejiendo Autonomías entre Pueblos y Procesos



Violeta kiwe y Vilma Rocío



Itech iyollo Tacueyó oneski Consejo Regional Indígena del Cauca-CRIC i-50 xiwitl. Tlalchantli tlen moixpantihtok ika chikawalistli iwan innemiantlayehyekol Altepetyl Nasa kan kinotza Colombia. Axan tokatzawalowihkayotl, kan kalaki xiwnemakakeh (kichihtok 10 xiwitl ika xiwitl), ich nochi taltikpaktli iwan tochantlaltih. Ika yolsewilstli iwan ika yaotl inixnamikilis altepemeh kokolkistok.






Cristina Bautista Taquinás oneski ipan noviembre 12 ipan 1989, kan El Culebrero, Tacueyó, Toribio Cauca. Dioselina Taquinás iwan Uriel Bautista, okiselihkeh Cristina, inichpokatlayekan ichan isih ika ipalewilis se makixti.







Satepa oneski ikni Eduar iwan
iweltiwan Deyanira, Viviana
iwan Amalfi. Mas amo miek
otlapiaya isenyelis, okiwelittak
iiskaltilis kexan okseki kokoneh.







Mas ok ichpokakonetzin,
okimamahtiaya ikni iwan
okimatilantiaya iwelti kan
Casa Hogar.







Mas san okse tzotzoli okipiaya tlen ika mopatlas, tlatz otetlakamatiaya iwan omomachtiaya itech kaltlamachtilli. Itech 4 xiwitl primaria okitlahtlanilihkeh tlahko xikalli arroz, yeh okis kampa amo okipiaya. Mas ok ichpokakonetzin okinittitiaya ikniwan matekipanokan tlen ika monemitiskeh iwan okinnemakaya crispetas iwan buñuelos.







Kieman okipiaya 12 xiwitl oyahki Corinto sake chantlakiewalli. Ipan se xiwitl okahxilih kichiwas kuemeh itech tlahtzontepostli. Okinechikoh tomin iwan kieman omokuap ichan, okimakak tomin itah pampa ika makikowili se tlahtzontepostli. Okichiwilih itlakien inantzin iwan iweltiwan.







Kampa itehtemikilis, yen kikowas
se okachi weyi tlahtzontepostli,
kieman okpiaya 13 xiwitl oyahki
sake chantlakiewalli kan Cali. Ne
kan otekipanowaya, se tonalli iteko
okiyehyekoh kikihkizkis. Wel ocholoh
ika itlasohkamatilis iyolikni iwan
oksekkan okahsik tekittl.







Otekipanoh kinittok tenantzitzih. Seki okinekkeh sake inichpoka, okseki san tlennesi oktoktihkeh. Kieman okiahxitih chikuasen poalli iwan makuilli xikipilli tomin inantzin okilnamiktilih tlahtzonteposkowalistli, maske oktitlan inon tomin ika makikowakan se torokonetzin. Yeh amo omokuap. Ok otekipanohtoya kan Cali pampa kipalewis isenyelis.







Oahsik kan se tenantzin akin okipalewih mamomachti. Okitlan tlahkuilolyehyekolli, okiselihkeh itech 5 xiwitl iwan okitokak momachtihtok. Omoselih kan Colegio Santa Librada, okinotz inantzin iwan itahtzin iwan okinillih kineki momachtis universidad.






Colegio Republicano de
SANTA LIBRADA





Okalak universidad iwan noihki
oatzopeliknemakaya itech Cali. Kualli
okistiah, otlatzikoh miek kan iteki iwan
okikoh inon tekichiwalli. Okinnechikoh
miek tlakohkeh, ok Kualli ikistiayah
iwan sa tepantzin okiwik iwelti
makinemaka choloas.







Se tlaweltlakatl, okimahmahtih iwan okinotz kuapoxa. Yehwan okikuilikoh tekichiwalli iwan okiwikkeh nochi tlen okahxitihkah ika miek chikawalistli iwan nemilistli. Inin owihkayotl satekil okitliokoltih, tlen okchiwilih makchikokawa itlamachtis kan universidad.








Itahtzin okitlahtlanilih makkawa
tlamachtlistli iwan mamokuapa. Yeh
amo okinek. Okiahsik okse tekittl, iwan
opeh wetzi itzon kampa okimoxikoltiaya
mayanalistli iwan opeh tlalkawa. Inantzin
kieman owelitiaya okitlahpalowaya,
okiwikiliaya chichiwalayotl iwan queso
pampa kipalewis.







Ika kawitl omochikawilih itech Universidad, omomachtih ika akin otlahyowihkeh itech yaonemilistli, ika intlahtlaksalis siwameh. Ika miek chikawalistli, omoselih sake Trabakadora Social itech Universidad del Valle. Okiselih se palewilistli kampa mamomachti España Derechos Humanos.







Iteki yen okinesiltiskia olocholistli itech
siwameh iwan kimalwis nemilistli itech
Altepemeh. Amo kieman omoittak
sepanitok, konewa iwan kaltzaktok.
Itehtemikilis yen nenpaxialos. Semi okiwik
in nantli iwan in tahtli, onemitoh Santa
Martha, Barranquilla iwan Cartagena.







Iweyxihxikolis yen kimattos Toribio
otepantokaya ipan 2 itech tlalnanti
ika tlahtlaksalistli ipan siwameh.

Ikino omonemitiaya kitemowa
chihchinolistli. onenkantlapalewi, kan
wel omotlapatilih iwan miek siwameh.
Inwan omonemiti ika inemian.








Okinkak altepemeh iwan otlapalewi maselia
Movimiento De la Mujer Nasa Hilando Pensamiento
ika miek inpalewilis telpopochtih iwan ichpopochtih.

Okihtowaya: “yoninehnen chantlalli iwan
onka tlamantih tlen amo motenewa pampa
temahti mamitzmahpilwikan. Nikneki siwameh
mamolochokan, mamosalokan iwan makinkakikan,
makipiakan garantías. Onka miek tonewilistli”.







Ika ipakilteki iwan iyekkakilis inawak
siwameh, okitlahtlanilihkeh mamotitlani
sake Neehwe´sx (nemiantekywahtli).

Altepetonalpehpenalli okipix miek
mawisotl iwan okipehpenkeh kexan
se tlen 6 altepenemiantekywahtih
itech Tacueyó.







Keme nemiantekiwahtli, omokualnexti
ika iyolnemilis iwan melatekitl inawak
altepemeh, kexan: yolchikawalistli
masewal-nemiantekiwah; palewilistli
makikawakan tlachichinaltih telpopochtih
iwan ichpopochtih; okitemoh
tlachihchinolli iwan yolchikawalistli
kampa siwameh oksemi mamolochokan.







Se tlayekanalokechtli, okixkoyanti kampa
cristiana, siwatl, tlahtolyeman iwan
yeknemilmalwi iwan tlahtlanilnen ika
se makipia tlen nochtin kipiah. Okseki
okixnamikkeh kampa otetilih ika
tokalistli tlen okiyolitiaya tlahtlaksalistli.
Semitian okillihkeh: “xiktlamotla inon
kuawitl (tekiwatlakotl) tlen tehwatzin amo
tikahsikamati”.







Okineltokak nawatiltih iwan omoyekkes
ixpan tlatokilistih tlen tekikokolismakah,
tepostlamiktihkeh iwan okechnemilistli. Okichokilih
sesehsen altepemalwilli akin okimiktiayah,
teixnamikilistih, tlahtlakuallistih, yolkolkolistih
iwan mahmahtilistih. Ipan tokmiktilistih, itlahtol
iwan ichiwalis omochih se tzahtzikahkawalistli:
“tla titlapowah techmiktiah, tla timokawah noihi
techmiktia. Ihkoni titlapowah”.







Okinmahmahtihkeh tekiwahtih akin okimawilittayah Tlalokan Nana. Ipan octubre 28, se teposnehnemin onemiaya kan ichan tekiwahtli. Ipan 10:30 kawitl yowak opanok kitlatohtoponilihti. Amika okahsik. Yeh amo okinekia ikah mamiki ihkon makitlali inemilis tlayekapa pampa kichiwas.







Ipan octubre 29 Cristina iwan
altepemalwihkeh okintokatinemiayah
tlakateposmiktihkeh tlen tlahtlaksah
ipán chantlalli. Itech se ichtakatokalistli
okitlamihkeh ianawak Asdrúbal
Cayapu, Eliodoro Finscue, José
Gerardo Soto iwan James Wilfredo
Soto. Itemaknemilis iwan tokuehsilis,
okyetokeh iwan amo kieman
kinpohpoloskeh.







Akin otikixmatkeh otechmawisotih iwetzkalis kampa oxitiniaya mas itzallan weyi owihkayotih.

“Nemianmalwihkeh tinochtin, pampa nochtin itech chiwalistli”
“Melawak moneki siwatl iwan semanawaktlachialistli kihtowa, sa poliwi mamochiwa”
Cristina Bautista Taquinás (noviembre 12 ipan 1989 –octubre 29 ipan 2019)





“Tla titlapowah techmiktiah, tla timokawah noihi techmiktia. Ihkoni titlapowah”